

# 卷九

## 群書考索卷之一

山堂先生章俊嫻編輯  
建陽知縣區玉刊行



後集

官制門

唐官通典云唐官數闕尚書云建官准百鄭玄云虞官六十唐官未聞兼併同道或皆六十并屬官而言則皆有百

虞官明堂位曰有虞氏五十鄭云六十

夏官明堂位曰夏官尚書云夏商官倍則當二百矣而鄭云百二十

商官明堂位曰商官二百而鄭云二百四十合依鄭說

周內內二千六百四十三人外諸侯國官六萬一千三十二人

秦制等以賞功勞

漢吏哀帝時官數兼

後漢內一千五百一十五人外都計內

書名 群書考索後集殘二十一卷  
撰者 宋 章如愚 撰  
卷 卷九  
內容分類 子-類書 彙考-宋  
索書號 大木-總類-志書-通代-33  
編號 C5930600

彩色首頁

東洋文化研究所漢籍目錄 編號: C5930600

東洋文化研究所漢籍目錄所藏漢籍善本文影像資料庫 索書號: 大木-總類-志書-通代-33

漢籍善本文影像資料庫 群書考索後集殘二十一卷

版權所有: 東京大學 東洋文化研究所

使用上的注意事項

# 群書考索卷之八

後集

# 群書考索卷之九

後集

山堂先生章俊卿編輯  
建陽知縣區玉刊行

○官制門

九卿類

夏商九卿。伊尹曰九卿通寒暑。周六官是為六卿。又立少師少傅少保。是為三孤。與之六卿。為九前漢百官注。漢正卿九。太常光祿勳衛尉太僕廷尉鴻臚宗正大司農少府。亦謂之九寺。大卿。又置十二卿。

○執金吾大長秋將作大匠。後漢分屬太尉司徒司空。魏。晉。

宋。齊如舊。太府少府大僕。秋卿。衛尉。廷尉。大匠。冬卿。光祿。鴻臚。太舟。即都水。後魏置六卿。各有少卿。北齊謂之

九寺。隋。唐因之。龍朔改九年。名九卿。皆加正。若大常卿為奉常正卿。後復舊。又九寺。皆曰棘卿。見通典。宋雖設九卿。皆以為命官。

之品秩而無職事。元豐正名始有職掌。中興以來併省冗職除太常寺大理寺不罷外宗正以太常兼而衛尉併兵部太僕併駕部大府司農併戶部光祿鴻臚併禮部。紹興復置宗正大府司農餘遂廢與

### 太常寺太常卿

唐虞伯夷為秩宗夔典樂太常之任也。周曰宗伯為春官典邦禮。秦改太常典宗廟禮儀有丞。漢初曰太常以列侯忠孝恭謹者居之秩中二千石。太常者王之旌也。晝日月有大事則建以行禮禮官主奉持之義太常欲令國家盛太常存。惠帝更名奉常景帝更名太常王莽改為御秩宗。後漢太常掌禮儀祭祀及行事掌養天子。晉品第三銀章青綬進賢兩梁冠絳朝服佩水蒼玉餘卿皆同。魏。晉。宋齊皆有舊用列曹尚書好遷選曹尚書領護。梁太常宗正司農為春卿太常位視金紫光祿大夫。後魏為上卿兼置小卿官。周禮有小宰伯。北齊曰太常寺置卿及少卿丞各一人掌陵廟群祀禮樂儀

制天文術數衣冠之屬。隋與北齊同煬帝加置少卿二人。唐因之龍朔改為奉常咸亨復舊光宅改為司禮神龍復正卿一人總判寺掌禮樂郊廟社稷之事總大樂鼓吹大醫太卜廩犧諸祠廟等署。宋太常寺皆以禁林之長主判續會要云皆以兩制充而禮院自有判院同判院。祥符中符瑞繁縟別建禮儀院輔臣主判而知制誥為知院。天禧未罷知院。天聖中省禮儀院而寺與禮院事舊不相兼。康定元年置判寺同判寺並兼禮儀事。元豐正名始專其職焉。卿掌禮樂郊廟社稷壇壝陵寢之事

禮之名有五古賓軍嘉賓皆掌其制度儀式祭祀有大祠有中祠有小祠其犧牲幣玉酒薦獻器服各辨其等掌樂律樂舞樂章凡親祠及四孟月朝獻景靈宮郊祀太廟掌養相禮儀升降之節及朝會宴饗上壽封冊之儀若禮樂有損益及祀典神祇爵號與封襲繼嗣之事當考定者擬上於禮部凡太醫攻令以時頒行四朝志。

元祐詔太常寺置長貳餘寺監長貳並互置會要中興併省寺監獨存太

常又命太常兼宗正。紹興復會要。隆興元年詔光祿寺併歸太常寺兼領丞二員罷會要

太常少卿

周小宗伯少卿之任。秦。漢無聞。後魏太和初置少卿一人。後周為小宰伯景明初少卿為第一清選明禮樂兼天文陰陽者為之。隋置少卿一人。煬帝置一人。唐武德置二人龍朔改為奉常大夫。宋少卿無職事以為階序品秩元豐正名始有職掌元祐元年呂純禮為少卿御史論門廕得官不可任奉達於是外補續會。中興建炎三年品太常少卿一員兼宗正少卿會

太常丞

奉常秦官有丞。漢多以博士議郎為之。後漢諸丞皆掌行禮及祭祀小事總署曹事皆銅印黑綬歷代皆有。唐因之分別寺事。宋景祐中詔時差近上知禮官一員兼丞事御史李泌之請也。建炎三年省丞。紹興三年復置會要

太常博士

秦官。漢叔孫通為博士定禮制博士掌通古今員多至數十人。後漢置十四人。魏。晉時掌引導乘輿王公以下應進諡者則博士議定之歷代皆有。隋四人唐因之甚為清選資位與補闕同掌撰五禮儀注導引乘輿贊相祭祀定諡諡及祥瑞之事。宋祥符中置博士二員後四員。元豐正名初除何洵直博士掌講定五禮儀式有改革則擬經審議禮於法應諡考其行狀撰定諡文有祠事則監視儀物掌凡贊道之事。中興省丞簿而太常博士如故。紹興元年諫議大夫曾統言祖宗朝太常博士四員今見一員詔添置一員會要

太常寺主簿

主簿漢有之鹵簿之制太常駕四馬主簿前車八乘。魏。晉亦有之。唐置二人掌付事勾稽省置抄目監即給紙筆等事。餘寺主簿並同聽。宋皇祐中宋祁乞增置一員勾檢在寺文書及掌出納遂除胡瑗後詔更不置。元豐正名初除王子琦建炎三年省簿紹

興十年復置會要

大社令

周建國左宗廟右社稷故有典祀掌以時祭祀以時而祭則徵役於司隸師其屬而修除之。**秦**。漢有太祝令。**景帝**改為祠祀。**武帝**更曰廟祀。**後漢**祠祀屬少府。**魏**。晉有太祝令丞。**宋**有明堂令丞掌祀五帝之事。**齊**有太祝及明堂二令。**梁**有明堂太社二令。**北齊**太廟令兼領郊祀崇虛二丞。郊祀掌王郊群神崇虛掌岳瀆神。**後周**有司郊司社。**隋**置郊社令。**唐**因之掌郊社明堂祀祠祈禱及亭土衣冠等事。**宋**初年置郊社令命石祖元為之。**熙寧**元年郊社局令張伯世言局有郊社名而不主四郊之事於是始主四郊壇壝之事

按**唐**六典兩京郊社局各一人掌五郊社稷明堂之位然則郊社令通掌五郊之事乞自今兼令勾當四郊壇壝之事使得巡視提舉掌貴官正其名郊祀資潔從之郊社令掌巡視四郊及社稷之壇壝

所凡掃除之事祭祀則自性

**渡江**初闕紹興十九年始除韓彥直為大社令請給等並依五監主簿

例中會要

籍田令

周為甸師。漢文帝感賈誼之言始開籍田置令丞掌耕國廟社稷之田春始東耕於籍田祠先農大賜三輔二百里孝弟力田三老帛種百穀收萬斛立為籍田館穀皆以給祭天地宗廟群臣之祀。**東漢**及**魏**闕**晉**武復置江左省。**宋**元嘉中又置。宋文帝籍耕耨出納之事五穀蔬菜藏水以待用。見四朝志元豐三年詔籍田令隸太常寺。**續會要**。**渡江**初闕。紹興十五年初除康與之為籍田令三十一年詔籍田司權罷官吏並罷。中會要後復置

大理寺大理卿

**虞**舜命皋陶作士正五刑孔安國曰理官也。**周**官為司寇。**晉**文公使李離為理。韓詩外傳曰謂察理刑獄也。**秦**置廷尉掌刑辟有正

左右監。漢因之。景帝更名大理。武帝復為廷尉。宣帝置左右廷尉。平哀帝復為大理。後漢復為廷尉。郡國讞疑皆處當以報。魏以世宗為之而郭氏尤盛。郭躬為廷尉家世掌法務在寬平乃條諸重又可從輕者四十一事悉令皆施行躬奏讞法利多所生全。梁為秋卿。隋為大理寺。唐因之。龍朔改為詳刑寺。咸亨復。光宅改為刑。神龍復。卿一人掌鞠獄定刑法諸疑讞。宋大理寺以朝官一員或二員判寺事一員兼少卿事。建隆三年以工部尚書竇儀判寺事會費。故事臺省長官兼判公事得言判某官事如晉朝尚書左丞崔祝兼判太常卿事是也若止言寺事則其屬丞正並可行之竇儀兼判太常寺又兼判大理寺事皆新例也。凡獄訟之事隨官司決効不復聽訊但掌斷天下奏獄送審刑院詳訖同書以上干朝。熙寧九年神宗謂國初發大理獄非是以問孫洙洙對合旨於是下詔以京師官寺凡有獄皆繫開封府司錄司及左右軍巡三院囚逮猥多難於備訊又暑多瘕死因緣留滯動涉歲時稽參故事宜屬禮官可復置大理獄天下奏案刑部審刑院詳斷置卿一少卿二丞四始命崔洙判卿事蹇周輔揚汲為少卿各舉丞及檢法官四朝志官制行左斷刑右治獄各五案。左聽斷刑曰詳刑詳讞宣黃分簿奏表。右聽治獄曰左掖右推寺案知雜檢法。元祐間因鮮于侁所請廢大理獄職畧後復卿掌折曰詳刑鞠獄之事凡職務分左右天下奏効命官將校及大辟囚以下以疑請讞者隸左斷刑則司直評事詳斷丞議之正審之若在京百司事當推治成特旨委勘及係官之物應追究者隸右治獄則丞專推鞠蓋少卿分領其事而卿總焉四朝志。建炎三年併省事監及大理如故省卿而斷刑治獄少卿各一員中興會要

大理少卿

後魏置北齊及隋因之唐置二人中興會要。宋以朝官一員兼少卿事。神宗置大理獄少卿二員以蹇周輔揚汲為之分左斷刑右治獄四朝志。建炎中興會要

大理寺正

大理寺正

大理寺正

周禮記王制成獄辭史以告於正正聽之。秦置廷尉正二人。漢廷尉正監及平謂之廷尉三官秩千石。梁服獬豸冠銅印黑綬。唐龍朔改為詳刑大夫光宅中為司刑正後復改掌議獄正科條凡悉斷罪有不當者則以法正之。唐四朝志。掌參議刑辟詳正科條之事。見職林分紀。宋神宗復置大理獄後置寺正。元豐五年刑部奏乞分評事司直與正為斷司丞與長貳為議司凡斷案先上正看詳當否論難改正然後過議司覆議。續會。建炎併省斷刑治獄寺正各置一員。中興會要

大理寺丞

晉武帝咸寧中因曹志上書請廷尉置丞。隋改為勾檢官。唐置丞六人掌分判寺事正刑之輕重。宋神宗復置大理獄丞四員命卿少舉官。元豐五年命莫君陳等九人為大理寺丞始自朝廷差官也。續會要。舊制斷刑寺丞六員建炎三年減三員治獄寺丞減二員。中興會要

大理司直

後魏永安二年高穆奏置司直十人位在正監上不署曹事唯覆理御

史檢劾事。六典注。唐置六人掌承制出使推覆若寺有疑獄則參議之。宋熙寧中置大理獄至元豐五年始命程嗣先四人為四直。續會要。建炎三年詔斷刑司直兼治獄司直其治獄司直罷。中興會要

大理評事

漢宣帝地節三年初於廷尉置左右平員四人。後漢光武省右平唯有左平掌平失詔獄冠法冠。魏晉以來無左右而直謂之廷尉評。隋置大理評事。此語親。唐正觀二十二年褚遂良議重法官奏置評事十員掌出使推覆後加為十二員。續會要。宋熙寧置大理獄至元豐五年始命張仲穎等十二人為評事。續會要

大理寺簿

晉初置廷尉主簿。六典。後齊九寺各有主簿。隋百官志。唐置二人掌印省署抄目勾檢稽夫。官志。宋元豐正名初除二員。建炎三年省後復

司農寺司農卿

少皞氏以九苞為九農正。苞通典作鴉法鴉鳥也。鴉有九種以為農

號。舜命棄為后稷。播時百穀。周禮有太府掌九賦九貢。下大。秦為治粟內史掌穀貨。韓信歸漢為治粟內史即其任也。景帝更名大農令。武帝太初更名大司農掌九穀六畜之供膳羞者。凡郡國諸倉農監都水六十五官皆屬焉。通典屬官有太倉均輸平準都內籍田五令丞。平帝改曰義和以劉歆為之。又改為納。後漢為大司農掌諸錢穀金帛。淋及諸貨幣郡國四時上月旦見錢穀簿邊郡諸官諸調度者皆為給報損多益寡取相給定郡國塩官鈔官並屬。歷代皆有。漢置十二卿以署為寺官為卿。唐有司農卿龍朔改為司稼咸亨復卿掌邦國倉儲委積之事。

總四署諸監謹其出納京師百官廩祿皆仰給焉。朝會祭祀共御所須。孟春皇帝親耕籍田之禮。有事于先農則奉進耒耜。冬藏冰祭。司寒以黑牡秬黍仲春啓冰亦如之。通典

宋司農寺判寺事二人以兩制或朝官以上充。熙寧二年立常平欵散法三年詔以新法付司農寺而農田水利免後保甲等法悉自司農

議行。元豐官制行寺監不治外事遂循唐典正其職秩司農舊職悉歸戶部右曹。續會要司農掌倉儲委積之政令總苑囿庫務之事而謹其

出納京師官吏祿廩諸路歲運至京師悉掌焉。凡苑囿行幸排比及薦饗進御頒賜植藏之物與造製藥給薪炭皆戒有司以時辦具。天子親

耕籍田則奉耒耜所隸官屬凡五十倉二十有五。會要總倉草場十有二。續會要耕岸司四。續會要園苑四。並四朝志建炎三年詔罷司農寺紹興四

年復置司農寺卿少各特置二員。會要司農寺少卿

後魏。北齊司農寺置少卿。隋唐因之。宋元豐正名置少卿為卿之貳。建炎三年省。紹興四年復。會要

寺農寺丞。秦治粟內史有兩丞。漢司農丞亦二人或謂之中丞。通典耿壽昌為

大司農中丞奏設常平倉給北邊省轉漕又桑洪羊為大司農中丞管諸計會事。平帝又置大司農部丞十三人入部一州勸農桑。後漢



司農丞一人。部丞一人。**魏**。晉因之。銅印黃綬。進賢一梁冠。**宋**。齊以黑綬。並通。唐有丞六人。掌判寺事。凡天下租稅及折造轉運于京師。皆關而納之。以供國用。以祿百官。紛。**宋**。新法行。呂惠卿請始置司農寺丞一員。以農田水利免役保甲等法付司農。熙寧五年。增置丞四員。仍與簿輪出按察。逐州保甲。元豐四年。舒亶請止留丞一員。餘並罷。明年改制。以司農舊職悉付戶部右曹。而始循唐典。正其秩職。續要。建炎三年。詔罷司農寺。紹興三年。復置寺丞二員。會典

司農寺主簿

**晉**。太康中。置主簿一人。自後無聞。**梁**。陳又有北齊亦然。**唐**。主簿二人。掌印署抄目。勾檢稽失。出納通典。**宋**。治平中。已置主簿。熙寧新法行。詔增一員。五年。增至四員。後置六員。元豐四年。舒亶請存三員。餘並罷。仍與丞輪出逐州按察保甲。續會典。建炎三年。罷司農。紹興十年。復置。會典

太府寺太府卿

**唐**。官有太府下大夫。掌貢賦之貳。受其貨賄之入。頒其貨賄于受藏之府。即今太府之任。歷代不置。然其職在司農少府。至**梁**。天監置太府卿。掌金帛府帑及關津市肆。位視宗正。後**魏**。太和改少府為太府。卿掌財物庫藏。王顯謂楊固曰。吾作太府卿。庫藏充實。固曰。減百官之祿。及卿贖。悉入京藏。以此充府。未足為多。**北齊**。兼掌造器物。後**周**。太府中大夫。賞貢賦貨賄。以供國用。屬太冢宰。**隋**。初與**北齊**同所。堂左右藏及尚方。左內右司染等署。**湯**。帝分太府寺為少府。監管尚方織染等署。但管京都市及平準左右藏。**唐**。因之。龍朔改太府為外府。正卿咸亨。復光宅改為司府。**神龍**。復領兩京諸市平準左右藏常平等九署。蠲。**宋**。太府寺判寺事一人。以兩制或帶職。朝官充。凡財貨廩藏貿易四方貢賦。百官俸秩皆隸三司。本寺俱掌供祠祭香幣。悅巾神位席及造斗秤升人而已。元豐改制。始正職掌。

此據續會要而題名。乃云國初省部寺監。惟以寄祿寺。則光祿太常宗正衛尉司農大理。或以卿或以貳。或以丞各寓一階。則設王判之。

官以典室惟太府則否其職悉入三司諸案故主判之任罕置與會  
要稍異當考

卿掌財貨出納貿易之事凡貢賦之輸于京師者至則別而受之供君  
之用及待邊費則歸於內藏供國之用及待經費則歸于左藏

應祿賜以法給胥從有司檢察書其名數鈎覆而後給焉供奉之物  
則承旨以進審奏得畫乃聽除之若頒畿內軍衣則前期進樣定其  
頒曰將校部營兵支請月具數以聞凡商賈之賦小賈即明征之大

買則輸於務貨之不售平其價鬻於平準乘時賒貸以濟民用若貨  
取於官則給用多寡各從其抵歲以香茶鹽抄募人入豆穀實邊即  
京都闕用物預報度支凡課入以盈虧定課最行賞罰大祀最裸則

卿置幣奠王則入陳王帛

元祐三年詔太府寺置長貳餘寺監長貳互置。建炎三年詔罷太府  
寺撥隸金部獨以一丞治錢名之質劑凡省五年而後復置卿少一員  
初除馬承家。初元豐以在京司局分屬寺監而太府總局二十有四

今雖頗肯猶劇於他寺以式班內外之稟稍覆其名數而鈎磨之則諸  
軍諸司糧審四院屬焉頒財用於受藏之府周知入出而會之則左藏  
東西兩庫屬焉時禁省官府之需以備用物則買務屬焉斥幣餘互市  
之積以便以易則賣場屬焉比物莫買俾從其抵則編。兩局屬焉藥  
石必良以除禮瘞則和劑惠民四局屬焉叙財幣以待上之賜好則抵  
候庫屬焉制券之短長以通商則鈔引庫屬焉所異於元豐者惟內藏  
奉宸不外屬雜貨顯隸於諸司

少府少卿

後魏孝文帝改少府為太府置少卿一人。北齊因之。隋煬帝加至

二人。唐減一人貞觀中復。龍朔。咸亨。光宅。神龍並隨寺改

復典。宋太府寺同判寺同判寺一人以京朝官充。元豐正名置少

卿一人以為卿之貳。元祐三年詔太府長貳並置餘則否。續會。建

炎中興省紹興四年復。中興會要

太府寺丞

丞於周官為太府上士之任。梁置部太府丞一人。陳因之。後魏亦一人。後周曰太府上士。隋又曰太府丞六人。唐四人。通掌判寺事。凡正六朝應貢萬物。應陳於殿廷者。皆受而進之。宋丞二人。元豐改制。置丞二人。元符中增一員。崇寧中置藥局。又添丞一員。宣和中省一員。建炎三年罷太府寺。紹興二年置二員。中興會要


太府寺主簿

主簿亦周官太府下士之任。梁置一人。陳因之。後魏一人。隋四人。唐二人。掌印省署抄。自勾檢稽失。凡置木契九十五隻。通典。宋元豐改制。置主簿二人。續會要。建炎三年罷太府寺。紹興十年復置。中興會要

群書考索卷之九

後集





所入  
圖時  
書卷